



文集卷第七

嵩山景遠生晁說之字以道一字伯以



律詩

三川

三川窈窕山隈隩空着狂歌老杜家辛苦寄書

消息斷想渠涕淚問京華

疎墮

疎墮何堪行役勞窮陰急景晚風高京華前歲

此時雪獨卧先廬亦寂寥

疲竹

歲暮疲竹役荒郊絕見間林寒無鳥宿山噪不
歸雲得失為生計浮沈預世紛好懷思軟語終
待賴陽君

再至直羅

百疊荒山人迹絕飢腸寒色自徘徊多情只有
謝康樂美酒樂歌寧再來

康樂詩云綉繆舍琴
殷勤登臺美酒樂歌

寧句
再來

拾康樂之意再作

異時遊子不須還舍琴含情醉醒間今日煩君
臺上望急揮苦淚溼千山

約結

約結無奇恨開偷閒藜杖亦悠哉曉風不讓
青山遠暮靄難禁明月來關外關中渾浪漫雲
南雲北舊徘徊雲南雲北在自憐不注慙征賦
一世征衣愧不才

寄隰州李九使君

隰州太守詩來好何事新詩不寄來歲暮異鄉

思里社山寒宿雪暮樽壘數莖白髮何堪照一
寸丹心未可灰唯有早歸真願計莫酬朝唱不
論才

次韻和隰州李九使君見寄絕句

邂逅宮花春寂寂
相思塞草莽離離
休信李廣
未封印喜得青香賦小詩

我屋

窈窕吾山好攔干我屋空胡狀名未著不得謝
公詩

累夜讀武經揔要慨然思陳叔易寄予

嵩陽讀水經之句因用其韻作寄叔易

此公相與唱和最多于此詩則每誦之

蝶笑蜂鬚飛有聲梅嫌柳眼衆人青今朝消息
君知否荒塞寒燈讀武經
風送黃河水底聲三川半死誤丹青何人告與
君消息枉是磨鉛甚水經
蓬萊學士有家聲易退難忘舊殺青萬卷饒君
相似處此生不讀膳夫經

歲暮思劉壯輿近在京師因壯輿言温
公勸劉丈合魏宋等志有意合正史之
志而離折李延壽之紀傳頌老罷不能
聊見于篇末

迨使君我旅懷悲促思君歲暮時江上梅
花今在落廊州月魄屢圓虧著書有底心過苦
行路無端山更危誰解離合南北史吾曹白髮
恐難期

四明歲晚水仙花盛開今在廊州輒思

之此花清香異常婦人戴之可留之日
為多

前年海角今天涯有恨無愁閑歎嗟枉是涼州
女端正一生不識水仙花

塗中遇雪二絕句

征裘不是謝莊衣何事輕靈故飛應是多情
要新句敢酬瓊藻觸寒威

謝莊詩云疊雪翻瓊藻

慘淡脩途問若何璇璣瓊藻未須多使君此夕
應難醉紅玉看人子夜歌

途中對雪

殘歲初霽慰所思征衣坂路固無奇漫知謝女
能豔句安得顏兒與接詩顏延之與羣從接詩測年十三後年十五
嵩嶽夢中宜寂々離山眼底尚遲々明年花發
應如許坐看遊蜂憶此時

鄧聖求作端明時嘗贈予詩云妙論出

六合微言破九流其言雖過矣要是前

輩中有相知者逮今將三十年奔走廊

州諸邑察視保甲感舊作長句

白頭關塞走匆匆曾玷山公啓事中妙論微言
思落日荒山窮谷夢悲風八哀欲賦嗟無語三
徑空歸恨未容却疑掃除西域去預修麟閣盡
邊功

却館寒夜々不樂學古樂府當句對

將此愁來同彼恨可饒庾信讓江淹雪翻愁緒

風牽怨月悲山空人依簾昨夜夢垂今日淚一

機素勝一端鍊無煩言語誰能聽小叔狂來阿

母嚴

寄恂公

尚屏不可見歲晚得恂公
辯笑潮難久闊嫌雲
住空誰來初落月獨起
汲寒鍾八十歲除夜寧
知塞漠風

寄果公

果公消息大慈狀六尺堂
只眼前斗極新春
年八十煙霄故國路三千
每慚鑒薄朝多語待
學情忙夜不眠此世難期
再相見試容抒思序
真筌果公有金剛經解予欲為之序

聞胡少汲再入省

南宮妙極天下選雞舌喜君重得香
既自能詩似前輩何為不作水曹郎

聞喝馬慟狀感歎且恨其辭鄙
甚作此詩從賀方回未數解

一世危腸賦愍征江城夢斷到邊城
晚風不送採蓮曲落日唯聞喝馬聲
長似竹枝愁遠客重于隴水惱無情
爰來樂錄十三解賀老當今最得名

予告客不能飲酒嘗使賓主俱勞客言
有二三事便可痛飲謂對花對佳人予病
眼難看花從照律師授四分律遠婦人
作絕句謝客
眼病身持四分律流芳巧笑兩如何從教酩酊
非吾事兒得醒來恨更多

談易寄壯輿

拂拭塵埃藝靡它象中繫外得婆婆何人為我
易弟子淚落一朝翻九河

三川直羅之間作

鏡鬚美鼻似美渾人在山頭羊在門欲把流霞
來飲汝未甘便喚作曾孫

排悶

廊時來為吏多愁尚喜論山川分漢郡人物客
美却老杜詩有宮廢人仙在天清貳負昏山海經
貳負之此在莫言無妙麗土稚動金門

贈雷僧

蓬頭冰齒獨徘徊五百年前人姓雷東晉雷為

問羅川何處好笑言京洛總看來

東奔西走冒徘徊言語相殘聽鼻雷未料此生

終作底可知不為學詩來

為官莫去且徘徊官有白茶十二雷便覺羅川

風景好為渠明日更重來子點四明茶云直羅

來則直羅有十二雷是四明茶名

廊州人語間有似河朔人處予獨知其

狀蓋此本魏之上郡魏人以歸秦之三

年秦遂稱王而不樂為秦民之故其音

猶魏也作絕句

魏郡歸秦遂王音猶故魏恨難忘誰知我本

魏郡士比汝獨思田子方

木末

木末僕危不可呼水濱詩客昔何如若非此老

曾行處淚漲三川恨有餘

承議即王東起挽辭二首

三十年來夢王郎歌哭情桂亭看躍馬蒿里望

銘旌廢相存止託孤兒內外兼休論書數萬色

色負平生君之妻呂丞相孫女也妻母養在君家丞相之子也近立一孫方數歲丞

洛下書生譽秦川公子豪飄零諸老恨翫麟此

生勞病卧分丹劑魂遊問室阜當時蚕紙在絮

酒共蕭騷君愛予四明所作粉紙未及寄聞乃以為奠

題弟子問

人物昭陵一代傾墨莊夫子著書成我生既晚

復何恨解叩青霜鍾大鳴

憶四明上元

翡翠隨潮月琉璃共佛燈沈香間遠珠樹間

層

憶京師上元

艷燈欺月華人勝燈紅綿開四照金鳳起

千層羅川珠玉燈以紅絲代絳紗

鄜州上元

酷愛鄜州月真分紫府燈郡有望月收烟蕩漾

燈石後層

次韻十二弟所寄

莫問西臨統萬城書載月色落南榮遠天雁去
驚幽夢近休詩來憫老情籌筆陣寒徒許國題
鞭句險政傷生敢尋五世蓬萊路異姓王孫尚
避名

題新泉

舍北洗山如有待舍南泉發本無期羈愁盡落
清音裏不用騫公讀楚辭

東溪歸作

忽尋春恨已遲山城渾未有花枝東風馬上

哦新句却似盧巖緩嶺時

從高守乞石笋

竹萌何處在石笋眼中青乞取分幽徑難忘玉
笋廷

書劉仲更春秋災異後

志苦言危凜雷霜何人敢喚作劉卽休論瑞應
誇圖牒羞歎當年顧野王

山頭對花

欲脫羈愁暫媿春花先木末傲難親無才與作

山居賦遮莫山花處。新
老欲留春不用忙。却愁花發送春光。山頭紅綻
難為媿。年少才高憶謝莊。

枕上

人間百感未能休。欲語無情謾九州。樓上角聲
山上月。共人割據一端。

三日

只將三日為元巳。準擬流觴不誤期。慙愧魏人
風味好。無窮花蝶謾相思。

十二弟寄詩一編來。用其山字韻作

季詩來。灞岸秀色藹雕山。獨笑寒暄外。相逢翰
墨間。花飛能擁路。月入不開關。巧解供新句。吾
才愧晉慳。

三月十一日大閱偶作三絕句

儒服未曾看樂戰。鐵衣且自戲清時。春風莫道
晚無力。解直天王百尺旗。
風旗且好罔頭看。汗馬休論塞外期。前日將軍
劉越石。功名不及一篇詩。

縣官未肯斬西戎誰信廊州第一功馬似雲顏
青壁上人如猿放曉林中

梨花

春到梨花意更長好將素質殿紅芳若為寄與
江南客枉是揚梅憶庾郎

暮春

春光可攬去如驚樂事能追不得行禊事已觴
王內史披香只賦庚蘭成敢嫌塞柳渾無意尚
喜山花自有名嵩少未歸無著處此身曾是亦

諸生

春晚感懷

春來誰挽去難援中有悲歡萬古痕飛絮無家
凌紫極落英不聘恨黃昏半塗未可擊鳴缶百
感何因招此魂海內一經連海外欲搜怪物且
重緒

總管劉觀察相餞于高巖經句揚朝奉

出所和詩即席再賦

花開為客向金城待得無花羸馬行柳蔭高巖

開祖帳月搖洛水話離情將軍精悍千山從賓
客風流一笛橫更愧新昌孫子在詩成白眼得
清明

席上別諸公

西城別袂望東城勇發征車却怯行明去可去
聲前金闕恨胡盧歌裏玉關情鸞啼有意因風
斷山影無垠為月橫人世分携吾可卹千鍾不
醉在天明

塗中寄城中諸公

孤飛弱羽真難可作底徘徊去住間柳影生風
歸曲渚雷聲送雨過前山庾郎有待復何待白
傳求閒而得閒回首玳筵醒醉伴曾將幽憤唱
陽關

自延安回道中作

未駕羸驂返故鄉且尋握筆傷書窗鼻齟流汗
野豬嶺絕勝傷心未雀航
多謝苦樽與獻酬只將萬斛醉吾愁春花來作
人間夢到鴉啼不得留

延州紅勝洛州花
打剝工夫阿那家
我亦勞心
漆病骨悔將黃卷
負年華

從經畧安撫侍郎
叔乞松醪

春來玉帳間無事
自料穿松屐酒糟
卽恐金樽
未相稱山房乞取
伴離騷

牡丹

牡丹千葉千枝
並不似荒涼在塞垣
宣聖殿前

知幾許感時腸
斷待臣孫祥符中宣聖殿燕千

臣戴馬文元公時
為承旨時預賜

靜夜

此身飄蕩久靜夜
得幽情月色隨窗
盡泉声到

枕輕老夫方讀易
稚子莫談兵似說
歸期近高

陽學自耕

浮甘亭上

浮甘亭上拂征衣
欲起羈愁却自非
鸞去青陰

猶轉響月來碧障
有餘輝三英何處
同行樂百

醜無堪獨息机
好濯纓塵惜蘋藻
從教塵土半

天飛

謝魏宰惠芍藥

敢期芍藥邊城見本是人間第一流我有無窮
羈旅恨為君今日到揚州

在邊

在邊有底適予懷舒慘無時亦異哉醉到月前
如失去愁從騷裏却招來素心偶向三花盡孤
憤難教貳負催好覓羞却殘夜燭待將何語與
徘徊高山三花見李白詩而此花近不復有在
者乃于廊州中山見之

次韻和完翁謝墨二絕句

池水澄輝散曉煙定無墨色使名傳綫螺付與
能詩客免更書空重惘然
寸晷曉松計已迂更憐百步扇垂珠幾年費盡
坐曹手千卷書生又却無

間角

邊城百感謾興嗟將底令人警歲華多謝何郎
有新句誰聞夜小梅花

迎客道中

忽中夜轡候館若為容山轉時藏月河分不

割風憑誰能會夢總自解書空省內吾難倚詩
書更使慵何進兄弟倚

九月日

日七無堪只歎嗟誰教九日事豪華寂寥難落
方山帽爛熳先開野菊花聞道鶴鸞趨鎬燕忍
將鴻雁聽邊笳古來感慨今朝甚苦雨淒風助

我賒是日秋爽

贈鄜州田記

前世能歌田順節今身追悔太昌戲泥巧畫

羣兒態休憶小姑初倚牀

次韻任伯塗中見寄

命駕關東千里餘拂衣前去未動渠自憐病客

料秦虎共學騷人憶郢問賦就句奇輕惡道潘

道惡賦詩成意遠欲閑居此生辛苦君能識不向

他人道看書

白頭青簡負三餘得喪窮通不問渠但恐風霜

侵爾稼敢期盜賊避吾閭秋蟬冬蝶空離恨渭

水秦山政索居何日離合南北史倩君成就一

家書

古人名借借近乃妄以為笑借

感事詩寄韓侍郎

去年過却京塵裏今日無煩歎白頭且喜歸來
收客夢何妨無酒破春愁細教科樹鳥聲樂遠
使疏泉山影浮晚得花開逢歲閏可容結侶到
丹丘

贈韓侍郎

僕射陂頭鷺宿秋使君行色曉雲浮幾章乞得
閑歸去平日將何事絆留久幸沃心舒謹議暫

堪俯首貶忠謀黃金帶念多人有烏角中憐才不
自休談笑弟兄從此樂杯盤賓客莫言愁慙予
本是山中士可復魂勞隴上舟

偶題

丁酉

一室蕭然懶傍書角巾孤肅問何如夕陽能使
山遠近秋色巧隨人慘舒苔漬碧花行不到香
殘篆字睡應餘自憐得計歸云晚前日人間謾
畏塗

和季弟秋日即事

戊戌

五世衣冠盛本朝寧論妻織與兒樵願予始就
山居樂未放詩書便沉寥

寄謝任伯察院
終日小園何所為忘言不讀國風詩閑來却覺
呻吟好老去仍知疾病宜月在鄜州能到此人
遊梁苑誤行期徒憐宋玉無秋思既識清高又
可悲

初至涼作

七年去國今還歸僅有身存心事微下客但能

故事高門誰許著褰衣難將白髮語年少忍使
紅塵負釣磯不解征驂却歸去策雖非是亦非
非

以扇求馮元禮觀畫山水

高人能畫山中趣涼吹曉從天際來移畫此情
紙扇上人間何處有塵埃

趣景升太尉畫孫登像

契濶王孫魂夢夢京華一日重遊遨圖書不惜
黃金費歌舞何妨錄珮高月到南樓卧吹笛花

楚騷
殘曲几醉揮毫如何愛著須臾懶不使蘇門對

留題景升北窗

南樓吹笛何人怨北窗垂楊永日閒何用綠楊
高百赤詩情筆趣總相關

夏祭日感事

盛典千年出寶圖佩環方澤影縈紆中天月護
黃琮色出海雲騰赤帝符已慣龜鼉呈上瑞前
赤鼉不驚風雨解前驅前侍臣自有揚雄

賦擊壤何妨此鄙夫

謝曾迪功松皮冠

松皮冠贈松山客慚愧紅塵赤日中好尚浮雲
偏歸路定應賸聽入琴風

次韻和張次應龍圖松皮冠子

儒冠何事貴松皮一歲寒來特自竒髮盡
相稱得歌酬白雪即非空

代馮元礼次韻辭張次應畫山水扇

女鸞寶扇謾稱工識嵐漪縹香蹤何事晚來慵

落筆為嘖不說妙高峯

代馮元礼次韻送畫山水扇與張次應

五日十日豈為工萬壑千巖自絕蹤在握已能

霄漢上更須群玉占前峯

次韻和大理吳子偉寺丞久留滯絕句

之子婆娑幾許年眾人遷後獨稀遷即今便上

青雲上已愧開爐白日仙

再和

官共孤裘三十年紛上南北笑鸞遷未施雲外

射鵰手且作山中騎虎仙

京居五更聞鍾

慣聽山頭五夜鐘忽驚孤枕景陽風明朝樂事

知何限定自無人拜德公

七月五日立秋

故廬歸客不勝愁可是人間晚立秋收潦水清

如可待無窮蛭蟻看沈浮

病卧聞韓公表雨中出謁

綠陰飛雨作秋容衰病呻吟高枕中何事公孫

健騎馬黃金帶客好相從

韓二十七詩來云已東歸鞍逐去鴻令

人欣喜愧歎輒次韻和

此身重滯愧征鴻况對庭前郢樹風暫至京師

便歸去敢期今日有黃公黃叔度暫至京師而

即事謝公表二絕句

碧嵩青穎句相從萬事茅堂醉夢中出到入前

羞欲以歸輪不必問何從

留君談笑且從容白髮紅塵阿那中踉蹌行藏

莫相笑枯魚垂淚恨無從

即事謝子之二絕句

何妨少日不能容詎玷公山啓事中庭下秋風

收不得欲彫瓊樹未聽從

悅已曾增巧笑容舞鸞歸歇鑑花中人間遇樂

便作樂何用行軍問所從

送韓七十赴澶淵舊任所為士掾

不樂予何甚非關未策勲秋燈逢積雨客淚送
離群身事千年鶴心期萬里雲煩君經廢廟鳴

咽當家文

澶淵舊廟碑是高祖文既公

不樂下選部中作

不樂下選部中作

白髮來遊宦山公不我聞邪猶在中等林

應詔上書蒙置邪中等近思政不占微分

近制以分教為選法多者至七孤淚滄溟感微

言上帝勲何妨貧且賤嵩嶺有高雲

明仲約七月晦集屬抱病先以此見意

猶并以申謝

秋日在長安多悲對極歡粟竦肥木落芡嘴瘠

池寒居室清樽健羈人白石殫慙君過繾綣扶

病強盤桓

送邢子強還洛

行樂洛城為第一暫勞使節持還家橋頭鋪遍

中秋月樓上吹殘九日花誰聽高談擒虎豹且

容濁酒傲煙霞從君一笑知無分短髮長途倍

歎嗟

送李先之歸南

夫子声名大淒涼三十年晚交彌好易夙志自

覃玄泰華冰霜潔江湖鴻雁邊別期不相假吾
道信茫然

爾送先之

君家父子真國器棄逐那知上苑春嵐障城中
尤自樂浦玕市裏本來貧曾憐濁俗排閭闔暫
屈清江縱羽鱗我老相逢便相別劇談易象亦

何因

先之自廣南知縣歸復往江南清江
縣一見從子談易

三送先之

相逢無酒恨如酣九市三玄俱不談秋雨迢

催客別情雨色已江南

京居秋感五絕句

快雨薄寒一夕間胡為百役自閒閑秋懷更讀

甘陵賦始信人庾子山

雨助風聲燕欲歸誰教我尚著征衣自憐未讀
愍征賦霜雪鬢間猶庶幾

隨蝶求官秋緒多自甘老罷樂婆婆枕邊風雨

五更夢聲在長衢朝馬過

江上高人未肯來京華秋髮獨徘徊饒渠看取

潮頭月莫恋林香待放梅招揚中
河潛依棹得風期秦樹湘雲枉夢思也好歸來
君富貴未容言語我悲傷招徐思
幾歲田園得隱淪忍將秋淚濕紅塵一麾不得
廬山去何用他州寄此身

歸到

歸到故廬同逆旅人生本自怕牢愁雨聲豈有
京華態羈思仍多澧浦秋久禁令人類疾病新

應歸去是無責有餘驩

謹次知府經畧待制韻

制勝奇兵不下堂鉛刀何敢齒干將肯誇舞暖
嬌回雪只念琴寒乞履霜此日秦郊黃髮老當
年漢殿綠衣郎徘徊四十年來事險阻間難間
備嘗

郡齋戲句

鳥髭四皓應無術沉醉三閭豈有方將此衰殘
齋戒裏郡人應笑使君狂

一夫肆力能排闥萬旅無謀謾仰閔成敗是非
今有底忍將鞭朴作威顏
雪中獵戶來呈虎月下田夫走獻麇諱道山成
應不得閑東誰肯有書題

升白米能供酒瞑目紅裙難聽歌為謝

王內翰莫言官職也嗟蛇王元之詩官職嗟蛇猶上疏

蕭條吏散如堪適蕭洒詩成亦可娛王謝異時

同惠我只慚筆力不能俱

雜號將軍人所薄東宮贊善自曾嘲如何今日

余為守黃獨白床誇大庖

朝困十催何敢飽暮虞百罰更生寒雞山小石

鳳山柳移植庭前少自寬

笑

笑樂真情豈可無樂而不笑是何拘日中無事
逢棋局春後有花兼酒壺輕俠兒前撫手掌滑
稽傳後撫髭鬚江南陸后還安否乞與筇杖使
自扶

次韻郭帥和揚使者張茶馬溪莊詩

溪莊吟興浩如神不似逢時富貴身雲外黃羊
眠竹影月中赤鯉戲河濱揚雄竒字情宜密張
令清談分自親願我婆婆娑徒悵望柴車霜雪未
堪巾
才氣雄豪夙會神暫勞旌旆遠榮身使華燦爛
高秦嶺筆陣縱橫落渭濱音出瓊瑤疲諷誦韶
輕虎豹貴和親何妨戲作蜂脣句要看時宜折
上巾

奉揚公近蒙荅四六狀極為精麗

未休

德麟夜相過用前韻作

王孫未放木蘭舟憶別親知與訪求軟語斗牛
迷後雁傷心波浪沒浮鷗燈前有喜新佳句泉
下無慚舊俊遊潁尾可居隣可卜白蘋紅蓼共
君休

九日宴李德充中大家次韓三十六丈

韻作

重陽風雨每淒淒物色今年得所期賜第好賢

多驥子三山酌酒過鵝兒德克用三山樽紅樓

尚想吹簫夕碧樹今誇出日枝李氏園池甲於

苑所我與韓公殊輩行門闌感舊淚俱垂京師今屬宮

九日陪韓三十六丈大夫集李德克家

再蒙賦詩相似謹次韻攀和

丈人邂逅共悲凄九日芳樽敢有期感慨既能

追壯士驩欣復自學群兒菊憎紫藥侵黃藥萸

憤南枝勝北枝北州之茱萸蕭史高楼幸登眺

但慙清唱手空垂

李德克再賦九日期字韻詩輒亦復作

多才公子莫凄々九日不諷風雨期清酒玉腴

浮盃底黃花金蕊粲鈴兒鈴萬鈴者有金百年

歌吹驂鸞地萬里旌幢鳴鳳枝李家一門節前

後揚劉是賓客声名孰敢與爭垂楊文公蜀

文忠劉侍讀

重蒙三十六丈大夫德克中大賦九日

詩期字韻詩輒復以致謝遂及閣筆之

域

平陽樓上重陽日周覽悲歡孰與期盛德不應
無隱者大豪寧復有屠兒未舒鸞青天翼難
識珊瑚碧海枝莫擬吹花多繼筆羸兵易劍索
仍垂

即事呈德麟

學得浮雲往復還里中不出孰追攀九秋自與
物情樂一日須教我輩閑敢料都城有詩句故
應魂夢在山間今朝車上瓶無分更可憐我
阻艱

次韻和德麟過希道作

笠澤人閑書已叢分甘寂寞與誰同故人相遇
白頭日往事獨悲黃葉風去國貴游驚灞岸希道
初外浮家公子樂湘中德麟不厭此情纏繞思
朝夕百仞寒巖飲水虹

思歸

忽有故園夢秋冬恨不勝菊難月掩映梅耐雪
馮陵客闢南唐墨僧禪後夜燈如何不歸去京
國脚騰々

感事

人物今朝何寂寞我思前輩太崢嶸
仙才難測趙周翰俗眼聊窺石曼卿
趙公詩多仙家語

鸞鳳騰輝何處在珪璋振德是人斯
怪來高論

空無驗可是岐公作宰司

王荆公在嘉祐間言人才雖乏不曾教王

禹王作宰相至熙寧中公乃薦王代作相馬

早於城北逢御馬

天街未見瞳矐日御馬來朝馭駮宮
不許暫時超倒暴欲將何事驗真龍

十月七月夜夢中作兩長句覺而忘之

別成長句視李民師

冬來羈旅更迢々撫枕燈殘百感饒
飢鼠翻空疑有鬼驚鳥誤曉尚中消
詩成與夢俱零落劍出低眉亦寂寥
無分京華居老境江湖高隱幸相招
嵩陽王鐵冠遇一書生感眉出劍舞
空中

慙愧

神邑凡才日抗塵早年聞道晚因循
腦能充溢無華髮心得休閑不老身
種々已慙為客子悠

更愧作官人吾言可復終歸去何處桃源可
問津

偶見夏英公與文莊公書云秋序始涼
師門尚遠又一書云念其出自師門賜
一善地輒成絕句

前輩終身知學植今人得意諱師門如新幾帖
英公字可但吾家禮數尊

天寧節後二日 集英賜燕輒成長句

誕彌陽月播陽春萬壽杯餘燕豆中殿角垂缸

天意喜

今集英殿新修僧壁緹交鳳日華新

及兩廊

繳壁皆新繡龍星迴畢雨金沙淨

鳳極華與

天寧節後遂書發狄封玉甌陳北虜國賀生辰

晴室玉器三十餘

何事昇平樓宛莫要將良獄共

璘珣

昇平樓舊號最高今裁出集英東廊之上

寄李輔之

嫁樹栽花待上元一燈明焰照山樊香爐峯下

煙霞客此夜皇州亦掩門

布裘菜飯又忘言糲食粗衣過上元恠底狂風

迷四野榮光自滿濯龍門

庚子至前二日韓德全李師民相繼而

至聊書一時之事

先後客無約寒窓注夕陽縱談香柏子孤興飲
松黃不道仇池遠唯迎至日長於焉豈易得回
首即他鄉

對雪

念昔幽居久幽懷劇歲殘茅亭因雪過沙渚與
鷗寒暫喜涼塵息將愁秦樹單六花如結子孤

客鬢邊看

次韻江子我見戲長句

江家宅在多文史兄弟論文詎我遺長逝不來
荒馬鬣後生亦老倦車帷契成自賣寧無恨詩
到相嘲雅見知山水尚憐天付與莫年漂薄向
仇池

對雪懷淮安郡王郊居

六出花開郊野興王居不數沈休文洞房窈窕
玉簫遠綺席徘徊瓊糝醺大藥定應須火候佳

人可復悞行雲王有侍姬在宮中自憐收拾征衣客
白眼寒空送雁群

別親舊

歲莫征裘返故園
愀然去國亦難論
獨尋碧草日三徑
誰在紅蓮夜五門近歲上元燈山久分有五門
雲霄能割席乍驚
縷有離尊即看短髮邊城
去風雨仇池後夢魂

出京感事

晚歲長途俱寂寞
傷今懷古總飄零
韓朋豈是

無三窟管葛元非守
一絰白髮任渠從此出
朱絃於世許誰聽
猶憐去國恨能釋
已見燈籠出北溟

出見京華之盛而作

飄零羈客尚驚魂
乍見王居白玉城
三市盡迷一作新南北嚮八驕爭禁
一作耀短長行花移
陸海春常在
樓接神山月不傾
安得白頭居此

樂關河垂淚復孤征

過洛陽贈親舊

古來無奈洛陽塵興屬今朝誰與親河岳新秋
初過雁園林曉月遠行人波聲有喜咸通汴雲
影相隨直到秦白笋紫薑勤故舊公孫出仕獨
堪真

過陝州贈蘇儀掾仲滋

老去情懷誰與謀壞壁無蛩更愁秋收覽雨聲
來枕上飛揚馬鬣在岡頭藥城孫子何來此華
國文章肯謾休邂逅關山論家世更期信息在
西州

又

河擁秋聲客恨新誰能出語共輪囷信知五采
生丹穴不許文章屬外人

題長安趙氏園

長安池館鬱崢嶸此地偏多客子情秋晚寒藤
侵石瘦夜淡熟果落池驚後生解識南山趣先
德元高戎夏聲感時暫來添白髮南山曾見漢
公卿

鹿鳴席上送諸先輩詩

周室賓興綺席陳漢家勸駕禮還申鸞遷同谷
煙霞喜鯉化瓊林雨露新日御駭上須六轡
六奎文燁上自三秦先應沉醉換春色病守狂
吟已覺春

即事戲作五言

何處寂寥好山城太守家輕鬻平木竹筍大裘
白朱砂君與早蓮比實非火候賒一官還此是
百務莫淫哇何處寂寥好山城太守官龍鍾五
品服豹變一還丹萬恐三盃竭新添兩角寒只

聞向汝重呷喔頤無道義論輕重何處王公門
可遊

五丹乞酒

積雨深秋興恨翻悠悠何力勝朝昏久同下里
饒詩句乍學高人傍酒樽徑醉便知傲世狂吟
更覺解招魂頗憐陶令徒全美只肯丁寧乞食
言

辟穀

辟穀終無術求田早自慵病能添旅思雨善起

秋容本色官猶阻非時好孰從封侯如可覓要
自愧長公

依韻和邵太子文兄八月總章朝歸長

東皇受籙增嘉運曉坐明堂夜拜章玉燭千年
承瑞露金龍萬國鎮青霜風來紫極簫聲靜人
在丹臺珮影涼與子飄零逢盛旦獨無藻思頌
瑤光

八月十五戲作

稱意中秋月滿樓只嫌歌扇過雲浮不如風雨
連天起要得伊人也解愁

聞三十六丈乞西京留臺輒成長句時

先之七兄已拜北京留臺

門地何人論甲乙碧梧丹鳳重徘徊前時五相
繼三相此日西臺望北臺器業雲霄能我有功
名鍾鼎待時來重言四海宮師德季子白頭誰
識哉

伏蒙三十六丈大夫寵視長句輒次韻

和

千仞愁城託寸陰，可堪疾病更頻侵。烟霞舊友

能相遇，鷗鷺前盟不待尋。羹飢東西漸白髮，功

勲遠，適負丹心。兩家曾祖康定中同在廟堂堅

明朝九重無高處，約訪高人支道林。實約於九

德麟晉詩相別，輒次韻賀送。

安穩王孫一葉舟，歸來京國淡無求。任生白髮

曾料虎分絕，紅塵自狎鷗。栢笛不堪留，往恨膺

門誰復憶，同遊重陽無酒仍分袂。雨作黃花淚

博物張公適，聖神經營佐國不謀身。一槍系擲

朝林下，八駿遨遊暮海濱。詩就秦州寧獨樂，政

成周道要相親。敗軍汗蟻誰哀念，敢謂勤渠問

解巾

文集卷第七

十四卷... 為國... 明... 孫...

為國... 明... 孫... 孫...

文集卷第八

高山景迥生晁說之字以道一字伯以

律詩

喜雨一首呈司錄諸公及諸先輩

二年七日古人歎一雨三時此際心
辛苦崇宗誅大厲歡欣畢宿散群陰無煩
鍾鼓舍魚樂便覺來年波浪淡敢恨泥
功山下路且增秀色遍

遙岑

和蒲君刑曹佳什

獨步當年賢士闕青衫初試官閒好憐歸去龍
鍾者五世題名在道山

志士何曾恥把關忠臣本自不言閒策勳他日
陣間陣莫忘今朝山上山

刑曹再賦二絕句彌佳不得不報

不可將身入八閩判司雖屈勝如閩漢庭富貴
人何限畢竟文章屬小山

上帝白雲居九關列仙亭館號蕭閒念君未作
驂鸞侶愁殺江南庾子山

南克大兄嘗夢見予作詩見寄次韻和呈
仙山能夢我書帙正思君一德誰崇滯群兒設
戚欣過秦何必論喻蜀却須文未落豐碑筆唯
貧辨惑勤子文兄俾說之撰康節
碑近崇寄易學辨惑來
復用前韻即事奉寄

南克有狂女何以號仙君不會諠愚嗜忘言儻
世欣我常飢亦健公更默能文鶴駕如相招應
須即日勤

絕句謝小邵寄和脯

曲直驅文詩隱秀山頭仙馭勢爭飛須一作便知
和脯勝麟脯更使荷衣笑錦衣

感事

功名富貴總愁予南北東西盡畏途悔不讀書
徒語爾老來悔讀少年書

書何貢士居

吟興隨花發高簾對雨疎人家南郭外雲出化
窗虛笋蕨何時歇詩書幾世居我來懷舊隱便
擬返柴車

乞官觀報罷作

明時不可干多慮自多艱頗謝散班格徒憐本
色官高門寧倚伏下客強悲懽駟應相念秦

川歲律殫

顧况詩云遷客本來無倚仗子謂不狀故今云爾

宮觀請不遂揀兵戍河朔

擬駕柴車反故園却料甲士倚和門桐孫竹祖
俱相笑欲把秦音長子孫

感事

短髮猶思沐修途頗夢歸不慙為吏拙但恨讀

書非隴上健兒成
漁陽突騎圍誰能
圖戰陣在
是着朝衣

訪郭圓機口空不遇圓机名執中

久雨宜新霽秋光更可憐
尚嫌鴻雁近曾使鹿
麋前興嗚唯高隱名談盡
昔賢那知忙事在曳
杖行荒田

秋思增鬱惹蒙圓機寵示崇賦欣賦開豁
為惠大矣率此謝之

秋霜先着白鬚翁始信讀書未
有功幽恨不隨

流水去壯懷每共暮雲空
敢嗟落葉留無術但
惜巢危歎孰從賴有高才能
作賦筆端除崇是
英雄

謝圓机除崇賦

崇鬼當年曾暫解

柳子惠作解崇賦

賦成今日永嘉祥

無煩鑄鼎罔群象可笑時儼
逐畢方蕩滌辭源
能澎濞誅鋤筆陣更光鋌
此身強健餘何事枉
是靈均歎國殤

荔枝送郭圓机戲作

禍根妃子嘗珍嗜今日何須有荔枝玉樹後道
那結實也能止國更堪悲

荔枝一騎紅塵後便有漁陽萬騎來郭令諸孫
今得味却同羯鼓逞詩才

趙妹自咸陽寄華州石縫山芋來作絕句
二首

華州石縫無端芋同谷齋中有恨翁卯詩調來
家法在暫時不哭此途窮文元公有語云卯
飲酒調山薯蕷
秦中歡喜迎吾祖知道官家不用兵今日曾

孫何所負華山芋文莊公康定中使
關中會諸將議邊
事爾後遂納
吳賊降表情關中會諸將議邊

昨日小詩同致上讀張元善中散文詩愛
其讀書輕富貴之句作絕句一首本此五
卷謝酒

風流自古稱張諸詩句孰如孟景陽今日讀書
輕富貴當家好處得兼將張文昭德鄰曲也說
之拜于兒童時計經
畧待制必
亦識之

依韻謝圓机送梅絕句二首

丹萼瑤英閩苑開人間何處有瓊臺妒嫌弄玉

秦王女諱說南山說楚梅梅最先見于南山之詩

揚州梅發莫依曾得何郎一首詩謾有渡江

來小庾始從今日得佳辭庾開府不見有南山梅詩

再和圓機梅絕句

一年春色已平開始見芳香傷硯臺慙愧梁園

飛雪裡幾番玉笋醉新梅

思王二匝恨無依枉費西園清夜詩不得梅花

發幽興甘輸北有英辭設客酒十二行得此四詩老鈍乃尔

申前意和圓机絕句梅花

庾信終南眼忽開橫岑萬仞接天臺縱橫筆陣

知強弱留與遊仙客詠梅

梅如玉磬百花依傷似文章先說詩說到玉妃

謫墮後只君能抗我辭平昔謂東坡風亭下梅花三篇之後更不須有作矣

枕上和圓机絕句梅花十有四首

據渭浮涇雪浪開一君五后醉高臺侍臣不解

供吟筆落盡南山萬樹梅

梨園弟子強因依羯鼓聲中學御詩十月胡雛

來喚仗新梅誰復增新辭

豈是梅花最早開六翼先已發陽臺涇南渭北

花如錦太白山頭只有梅

孤芳寒艷絕難依鄴下關中不賦詩未必江南

有才子也應先是七三辭

莫道梅花取次開馨香須待百層臺不同碧玉

小家女寶策皇妃元姓梅

負雪披霜不得依梅寒恨不出幽詩身染根治

荒江介情調猶輸第一辭

霜女月娥愁不開萼君西母宴瑤臺總將芳意

傳華彩下降人間得有梅

織女机寒自失依雲霞扎似吟詩女兒謝席

雪無句父子庾家梅有辭

天馬錦輕誰得開月兒羅薄挂香臺屈平宋玉

渾無語後輩何人敢詠梅

東皇太一下無依挂酒椒漿細奠詩却問人間

梅幾種郭仙爾有古人辭

漢騎蜀兵下辯開今朝惟有鳳凰臺瑤鳳瓊鳳

方為瑞此地宜多白玉梅

東郭先生誰與依雪中意氣后夔詩香添皎潔

成梅詠好視江邊黃絹辭

未須白眼便嫌開早晚高低雪作臺春畫子山

梅感歎義山未臘已驚梅

雲母屏風只暫依金鄉公主嫁遲詩寧論鮑照

梅花恨不及從來不惜辭今日天慶節兩處

香疲且手寒草增塊也狀不犯從

前梅事如前却之類亦可一笑也
圓机再以梅絕句為謝復作二絕

根冷花難也自開何須獻納在雲臺幾多得意

人潛恨江令傷心幽澗梅江總詠幽澗梅云石

難自開還自落何處有人看

此日梅花剩足依明年歸只詠公詩不堪灞水

念別待寄越膏重覓辭吟到越梅膏則可獲

麟矣一笑一笑

止友陳無已有立春詩云朱門誰送青絲

菜下里難酌白雪歌頗為都下詩人所稱

今日立春誦之而作

地下修文幾歲即尚憐有子已爭行青絲盤到
特揮淡紅錦詩餘合斷腸安得見予今議論果
誰識子古文章從茲花發知多少試訪彭門舊
講堂

無已先作
徐州教授

招圓機喫槐葉冷淘

庭前枯樹庾郎老馬首垂花太祝愁槐葉冷淘
來急喫君家醪甕却須休

招圓机喫槐葉冷淘有孤泉之句輒復為

謝

野孤泉畔昔人集未亥墓南今日豪慙愧曾槐
誰細摘甗拋湯餅屬吾曹

和圓机題草虫

怒劍無煩起逐蠅從教小物比馮陵礼加蛙辟月
何時用書到蠶頭幾日能半是苔邊徒有感全
收芋處可生憎如椽大筆么麼落憤懣令人終
拂膺

再和

須臾變物止樊蠅宛轉迷人下馬陵何處周公

勤小物幾時孔子又多能
葦茶自採還堪喜管
削誰從使可憎一到高堂
榮采目絕勝長道困
鈞膺

謝圓机靈山芍藥

靈山芍藥誰銷得我是靈山
授記人貪蝶恹蜂
莫來到更須作俱老夫身

圓机遊秦州有詩相寄輒次韻作

風雨關心一夢難欲于何地見
征鷺街亭應念
貶三等壠坻須憐持兩端休聽
鼓聲參將暮已

驚鈿槩誤儒冠瑤音有底能相寄
不作龍鍾俗
吏看

因借書作呈圓机

似隱還如吏山亭何所宜遙心回雁陣倦意結
蕉旗使檄征錢急鄉書問卜遲近郊有高士
御名莫道三癡

約圓机來喫社飯以雨不果

積雨晦滄溟歸期蕪不靈何能陪社飯應為厭
戾鯖

寄富季申

故人風雪知何處旅夢時。得舊遊溫麥周禾
不我飽秦雲隴水使君愁劉琨數刻歡安在何
遜一筵笑則休賦就思玄塵易絕詩成述祖淚
難收曾窺藻蘭和戎策尚憶津梁禮佛表大軸
丹青猶凜冽小官孫子太罕取園多謝凌霄
木直到丹宵上上頭

圓机寵示覽先人元祐末廷試初考倡和
詩編長句不勝感佩降歎如紳字韻直似

劉夢得何幸得之輒復作增來詩之美

紛紛既晚宜無恨尚憶當年獻策人小子何能
初躍馬大臣不可舊垂紳叔孫處。偽知毀景
監人。總作因格律據情如夢得難禁孤淚溼
新春

說之復兼二公而作圓机既同郭籍之契
顯夫又与僕元豐五年登科事相類時曾
子固坐失考罰銅三十斤後為先人語之
甚詳

波臣好蕩箕風急浮世誰為自必人願我高飛
推短翮念君闊步躡長紳一枝青桂憎兄好弟
將之與圓三府丹書重友固近接話言遙夢寐
共將白髮傲芳春
初考之最高等也

魚龍起伏初無度下品曾為第一人鴻藻自甘
戎幕掾青雲誰委玉階紳命微夫子徒哀劇
子天遠靈均枉問因觸事思君成苦調遙憐爛

醉剝陽春

圓机再賦紳字韻詩淡得凄切之格降歎
之餘叙事為謝

勒車邂逅便相親同是山公啓事人短髮何堪
臨石鏡長懷謾自落泉紳談窮漢士三千牘問
盡胡僧十二因茅屋亂山誰復識當年曾醉上
林春

七月一日作

去秋今復號新秋要使新愁入舊愁四海元龍

霖雨望一生仲舉國家謀因冠不脫凋蓬鬢旅
殞何堪敗弱舟誰與此懷同涕泗南山朝靄暮

烟浮昨日間陳

因揚刑曹往荆南代書寄二唐高士

二唐今日操真視二龍多不道荆州遠其如梁
苑何魂收蒼壁夢淚斷綠珠歌願我非夫甚嵩

山空辟蘿

和圓机佳作

官憎詩過好人亦忌才多君子自如此伊人其

奈何單裘千日醉短髮百年歌謾納新愁淚終
慙帶女蘿

圓机用墨淡甚輒以上色三九為好

淡墨書名二十年從軍未許勒燕狀只疑淡墨
為君累故遣陳玄去草玄

至日早雪時郊祀畢壬寅

客中至日百懷忘欣喜遙瞻上帝鄉雪覆紫壇
天意得風生絳節頌聲長舊道鷓鴣鷺渾如夢寂
對山河忽若狂罪籍半除猶望赦漁陽遺種被

恩光

冬來無雪待佳辰至日飛霰喜更新風偃南郊
雲獻瑞龍騰北陸日潛春壁門仗下千官佩瑤
席歌前萬國珍負壘曾臣符竹冷屬車日斷不
飛塵

東城外作呈圓執

默上專城歲月馳忽來郊外得心期龍蛇起伏
知何處天地圓方在此時更喜風光似江介可
憐餽餉使凡疲即從此路東歸去他日何能得

夢思

謝圓執梅子

雲隨枉渚月依嵐末官低頭幾不堪願我儉翁
空塞北因君梅子憶江南君乎學問二劉比南
北該通酸自甘

讀沈下賢集絕句二呈圓執

晚來李杜擅文章無奈情何意沈郎未掩西施
朝薙淚可堪弄玉暮魂香

于世
上也

下賢託興于此二者
意為好人不得存活

荷葉拳。恨未舒伊人。歸興問何如。空看蠅鼻
燈花喜不得。平安一紙書。

與安郎倉部謝郎比部諸人集于德真宮
戲作絕句

葆真宮是何年。有游子相將。便得真間道。流霞
醒不醉。只應人世恨還新。

歲暮絕句四首

衛霍功名無素譽。韓彭富貴晚堪悲。梅花引角

邊情劇况復。人間歲暮時。

下惠一時行已志。首陽萬古振人倫。終尚不得
西山號。歲暮白頭空斷魂。

沈。欲雪岫雲年月尾。年頭此有情。童稚歡欣
學秦語。不知家世本東京。

遲。來日去何疾。六十五見此。日除明發。束脩
能有幾。太平田舍讀殘書。

間鄒德久

志完侍
郎之子

自常州來。秦州圩埤得

良田數十頃。遂可活。輒作絕句。

乃公不識買公閭之子飢寒夜讀書前年避賊
逐江鷺今歲墾田鞭海魚

謝圓机送梅

何事新梅度玉溪應憐泯默與詩題少年曾賦
宋開府老大無如羯鼓迷

圓机寵以長句賀禱雪龍池輒次韻述謝

神州鍾鼓浹年豐燈焰紅綿照景龍况有玉楚
崇廣內不勞金甲老邊封同雲出洞如人意孤
宦臨歧歛病容何事儒先詩思苦欲拋萬卷作

三農

再和圓机喜雪之作

十遇荒飢一遇豐人間不見壁間龍既慳雨澤
空倉厄仍廣車與小子封俗吏教條徒自媿澆
池雲物幸相容怪來不與秦湫詛應許多藏漢
大農秦名池曰湫皆授以詛
楚文今此池獨不與也

又再和

人上講德自元豐何處荀家有八龍白羽不
施寧洗甲赤雲嘗見預乾封無煩黍黍如茨

稼自足鷓鴣琢玉容稽首寶香通列畢傾心御
糴走良農

對雪再用豐字呈圓機

何人醉酒在新豐
茸雪瓊飛駿玉龍
雲借威稜如直指
風排傾倚似斜封
堂不及侏儒飽烈
烈徒多憔悴容
久負梁園能賦客
且遵漢詔善劬農

再用豐字韻對雪呈圓機

樂只康州得婁豐
鼓簫欣喜有池龍
魚由米穴

多爭出泥在函關
廣費封鎖玉無時
非北渚磨
幸在處是南容
胡狀最愛田疇事
即日歸休學老農

朱郎元章以予不得宮觀與諸姪有唱和
見寄攬之欣喜五更枕上賦四首

天上何曾有謫仙
一來下土便頑狀
偶遭愁鬼棲遲厄
永結羈人寂寞緣
不得間身從靜志
徒思樂會與安眠
兒曹詩句未存問
盡賀朱家為發編

高山集 卷八
璩音在昔是文仙近世仙才殊不狀每見傳言
多俗態定知所事亦塵緣况為末吏惟貪佞何
處高人得醉眠此際朱郎真有道樂吾群從
殘編

狂醉何為號八仙三郎宮裏亦頽然呼山絳節
方無數犯闕紅旗自有緣便醉攜家船上去已
輸傷舍癡頭眠箕南潁北逍遙客好笑仇池戀
簡編
莫笑吹笙便得仙絕勝祭竈事茫然白頭吏役

徒多犯黃帽間居政寡緣仰愧高僧能五鬣俯
軒垂柳解三眠詩成自贈仍堪寄聞道哀蒲尚
可編

過萬丈潭觀山呈圓机

棄捐蹤跡盡上悠山水之恩亦太優成熟此
生無再辱發揚何事敢他求乘間今日雖高足
就隱明年獨遠遊潭面可量才萬丈總于春恨
作浮漚

社日偶集恨去歲社與圓机有約阻雨

歸閨于春得社遲酒應過熟老農嬉故巢候燕
賓羽禁驟雨前年唱和詩要使歌喉扶媼媪可
教鼠日鬪狐疑雲南薊北休驚怕今日寬仁不
戮師

才上人處見圓机五字輒用其韻作

振錫千峯下觀空萬象前水溪猿臂直雪厚虎
蹄圓工部淚徒感贊公燈不眠當年郭有道今
日更談禪

山行微雨對花覺秦少游山路雨添花之

語為佳因有感于斯人

今日山行花畔語故人佳句雨添花瘴來首禿
成纍鬼夢裏懷鉉稱史家輕薄揚州真可笑賢
良漢殿更堪嗟寧知用短難鳴者只得身孖下
澤車

書事酌新興元使君邵大兄邵与圓机有
舊因以奉呈

東來車騎豈君歸我欲懸車歸則時仙女丹砂
能不老大兄自南克來腐儒青簡亦難哀老弟自謂

寧平洛水田園計且及蕪山餽餉期大兄書最
課直當中祕閣白頭相望更遲

又依韻一首

看去米輜今已歸問予山郡幾多時盤條綾樣
知能盛果綾帶葉甘香定不哀果惜別荔枝紅髮
鬢恨看山嶺碧參差自怜藉手有何物學把鋤
頭不用啗

圓机和邵大及予二詩可謂壓倒五更枕
上誦歎不已復作謝之足見來章之美能

發人情思也

去歲巢乾燕子歸生涯辛苦問何時門前似覺

酒徒散坐上何嘗筆力衰郡印故人能若大

自果田廬晚友亦差大莫嫌相望函關外且足

不為陶令啗陶詩云永

借問高吟何所歸元和格律定同時折除官職

知多少兼領才名孰盛衰奏疏不為黃閣計結

廬且共白雲期君家博士歸依佛可笑夫君得

計遲郭恕先詩云為逢未劫歸依佛不就新思

之復命

約圓机不至將出遊雞頭山作二絕句

君何忘我不交關為我勝君便不閒
豹霧人須歸豹谷雞棲車且遊雞山

君知我亦有些閑我豈輸君獨自閒
把筆何人鳳尾諾杖藜望我雞頭山

復作山字絕句呈圓机

羊頭山笑雞頭山我粲文章爾漫頑
遊子白頭顏不少任人譏海充高顏

聞圓机遊山歸作

把酒相忘笑語違新詩應已勒巖扉
何人龍尾道前出獨自雞頭山裏歸

李衛公出龍尾道時精神如何也

聞圓机遊山政為梵供復用前韻作

感縮飢腸與世違破磴折屐到雲扉
丹砂不逐飛仙去白壘甘從佞佛歸

請休致後聞書

折軸迷邦漫問津行藏不斷只因循
那知老作邊城守好去閒為負郭人
細向舊園逢景色偶

因握筆得精神舉軍追恨成何事可笑將軍走
解中

試邁任所寄冷金牋

不煩鐘鼓強聊蕭自有詩書共鬱陶暖玉何年
來比德冷金即日得抽毫

夜聽雨

攻汴無煩和協使秦雲送我入梁園殘燈半夜
夢回雨心事誰來慟哭論

致仕歸東里

板令懸車欠四年散闕如砥去欣賦鄭州門首
人爭入誰伴山翁老洧湖

致仕後寄白蓮狀公

僧衣換却朝衣盡知悔知非恐不任聲韻應憐
持課罷香銷當識坐禪淡芭蕉庭下三身正堪
蟀牀頭百慮侵憶我白蓮庵裏士幾年消息亦
沈

狀公發人自天台來不以烏藥見寄

石橋不得往烏藥不寄來空令圖畫裏指點說

天台

致仕後間夜雨

厚矣皇恩得謝休
蕭然白髮更何求
雨聲中夜生高興
不似官人身外愁

即事二首

晚靄沈山月
隱林終朝好學
仲長瘖忍將老
易供書畫更與何人得
斷金

藥苗晚種已青
應念冠羸與養形
可為稔生徒著論
便同玄晏翻經

哀韓君表無文編

少師名德振鵷鷺
孫子何為短羽翰
不使功名藏竹簡
宜留文字後人看
六丁取去嗟韓第
七子止來恨建安
賴有上公曾塔葬
多情無用涕汎瀾

山中酒熟

山醞今朝熟
黃花老不香
沈陰千萬里
何處有重陽

雨中

雨中新種竹波上舊來鷗客子何時樂幽人未
可愁

悲秋
白楊夾道起秋聲要使征人恨不平自笑一生
成底事元常筆秃却談兵

寄溫倅江十四

離別蹉跎歲月淡故人帶未九環金狂兒易悅
笙歌費志士徒勞涕淚侵金紫早年唯樂夢令
公老去亦傷心永嘉康樂風流在別乘猶勝前

綠林

憶天台東掖狀老

狀公嗟契闊海岳阻招携白法歸龍樹清談落
虎溪著書非草具傳業謾私題歲暮茆楹客臨
文處日迷

風琴

不植風琴二十年僧來為我置齋前欲教羈思
殘春夢吟落浮雲共灑狀

次米少章韻

喜就三冬學仍開摘蒜塵星霜吳地客風雨鄭
人鷄逸興逢蓬雷高懷絕石梯五言何富麗種
玉不論畦

二十二第獲金印

季也獲金印播文秦不如情知非鬼篆恨不識
天書池靜龜游罷庭間鵲鬪餘春風還舊物疎
後獨憐渠

和朱少章見寄

兼該夫子恥專門却笑何人嘑吼却悶已賦疑

唯獨語韓公閱已賦有本非惱卿詩似得同論

吳元憲謂惱卿詩似義山或夜來兩足寬貧病

秋到涼生破睡昏幾欲拋書間過日只慙無可

謝媽孫洛陽女子劉董蘭字媽孫勸房豹云君

碌自隨房于足折節讀

贈弟送山醞

山醞今朝熟溪氛起正炎醉予難酌酌泣汝淚

闌干

宋太夫人挽詞

漢室賢良逝萊妻節操長生涯兩卅角心事一
縑緗膝下黃金帶齋中紫玉章人間足悲樂壠
拍起清商白髮餘欣喜清時忽歎嗟棧危思杜
宇淮漲夢僧伽鸞鷲能儀國驂驢善保家傳聞
專却粒婦去五雲車

悼亂

解組邊亭箠向來且將白髮共徘徊去年亭下
花何在日夜胡塵不得開

題縣南莊壁

城下之師莫問天只將性命託忠賢効官三黜
未為恨閉戶七奔方可憐虎變不宣懷猶豫龍
韜豈憚費迭遭前村父老來相問本望今年是
好年

上元前再題南莊壁二首

蒼皇徒步子孫隨倒邑空城失所之十日不通
京國信一燈誰憶上元時大河難阻金人過遠
道休論鐵馬期弭難九州宜祭鼎慶雲翔鶴誤
聲詩

古今之禍此云奇條忽犬戎城下師犯闕過于
戾景連劫君更比祿山危萬方瑞物問何在五
世誓書知謾為禍難群凶誰首尾京如狼虎黼
孤裡

我昔題南莊壁

我昔紫門宜樂只田園遠近亦康哉花搖笠頂
唱歌去草塞瓶頭沽酒來白叟披衣論甲子青
禽哺乳占莓苔豈期一日胡塵起南北東山俱
可哀

花石題南莊壁

花石倡優樂未共四維忽絕矣皇綱大戎便欲
據中國鶴駕知誰從上皇雲外安妃情已斷
塵中仙伯恨空長豈無撥亂濟時策久棄蒿萊
不得將

我生

我生初世本堯年大厲羣哇不謂朕方喜神光
射天下忽驚烽火到甘泉寺人衰服參巖廟宮
女素衣遊市塵一道德來千道會試開言路問

羣賢
春晚
春晚何為尚絮袍
強尋樂事慰無聊
鍛聲不讓
雨聲急
花影爭隨
幡影高
莫問猴
粮難卒
歲且
無甲馬
在今朝
書成泥首懶
擬定是蒼生
不
我遭

間景龍不試燈

華燈不試管絃新
八字歌聲滿市塵
今日景龍門
寂寞唯將明德照新春

送蒲君赴陝西漕屬

殺函為客樂巴蜀
故鄉崇風雪
擔書夢旌旗
從使行
黯兵烽燧息
積粟犬羊平
同谷曾談話
知君筆陣橫

外甥三郎剛定和予冠字韻詩極可喜
再用其韻作二首
韋蘇州有外甥趙仇獻詩
合雅音

趙甥詩與雅音合
韋舅宜高進德冠
我到古人
良已遠汝家宗
姓莫教難傳家
自喜春秋在
簡

公春秋二居職應憐翰墨殘門戶人身難相稱
書特高衣裳儀觀不須歎古有語云好門戶惡人身又
趙妹生兒身七尺倚天劍稱切雲冠長人自惜
聲名達志士寧令扞格難墨翟商瞿心總厚司
空城旦術何殘還將格律成吟詠作者應須為
爾歎

寄城中親舊

時在惠濟安下
罷三字宮詞

蒼皇逐客投蘭若傷曉衾寒喜且驚隱似間
開靜版沈欲歌讀經聲好將遲暮此間過強

歎論思何處行城裏有誰能念我勞渠努力致
升平

淮口作

王畿胡騎滿何地可逃生畫室半塗步有舟無
水行長淮能見阻久雨自難晴雜立官稱在低
頭媿國榮

洪澤守閘和二十二弟韻

小舟洪澤歎嗟餘歆說人間孰得如蝙蝠倒懸
徒頡頏獼猴徐步謾趨趨歲窮雲際行求鴈日

暮溪頭坐羨魚何處長風萬里浪龍盤螭拏蜃
樓居

和二十二弟龜山寺三絕

江邊龜步亦平平淮上龜山聳五兵何但八公
山草木解令王國列金城

龜山之操恨時危語樂徒勞魯太師今日龜山
無可恨祥符年上御題詩

海岸石龜恨未平時時入海自馮陵此山盤石礪
清淮上寶塔分功更就曾

過鴈和二十二弟韻

我避胡塵淮海遠悠然問鴈爾何來中原消息
須聞取南嶽峯頭莫謾回

莊周口舌過平生擇鴈何為貴不鳴默默高飛
寧有樂人間生死本來輕

窮途

窮途無達士今日信途窮處處兵如市行行馬
似龍鬼迷公主館夢斷翠微宮歎向江東去風
波更幾重

消息

兩月中原消息斷不應京國亦無聞廟堂如未
棄黎庶日日詔書清垢氛

初到高郵

避難蒼黃處處過扁舟不復怯風波禹功淮海
施偏少漢業東南得最多幾日兵強令虜退今
年米賤奈予何孫公鄉里仍堪住愁訪山齋空

薜蘿孫公薜蘿
高郵人

揚州三絕句

客散平山堂上後孰如子駿在揚州解傳鮑照

舊辭賦輸盡蕪城千古愁解于子駿守此
州刊鮑參將集

風常歡喜月常愁愁有盈虧喜自由客到揚州
已迷路不須特地上迷樓

便風五兩更悠悠回望鄉閭煙霧浮若問無情
唯潁水不來隨我到揚州

病中謝張簿陽字韻詩

藥有一君元長厚病教五鬼逞狂陽公詩可但
能除瘡萬病都如律令忙

新合柏子香因誦皮日休坐久重焚柏子
香輒以其香贈張簿

柏子香清誰喜聞五言句法更清芬病仍春困
在難以遣向吟惹起暮雲

依韻和張姑夫主簿

即今時節揔堪悲寒食仍多雨意垂幾處墮頭
飄斷紙誰家碑頽仆盤螭江湖魚糝聊為客兒
女米團難療飢即見胡塵都掃盡張公詩思更
溫其

次韻張姑夫感舊

用舊為邦不務新舜琴何事有埃塵焚香祕殿
期王母躍馬荒郊訪異人爾保丘園為爾土吾
憐盜賊本吾民四愁不及一枝賦誰許張衡社
稷臣

聞道江頭柳色新可憐不識洛陽塵景龍門外
千鍾酒葆籙宮前萬國人此日淒涼徒費淚即
時興復愧遺民浮家逃死知何處群叢頻招未
肯臣

奉帝百番於姑夫王簿并以謝四詩之寵
怯見詩千首慳持帝百番帝多詩剩到費殺啞
兒言

和出郭

萬斛無多寧貯愁不如留着寸心憂怕聞天假
漁陽騎莫話春迷煬帝樓出去暫能欣綠野歸
來還是夢滄洲何人解賞鷓鴣賦豈但功夫在
句頭

蒙用諸人韻賦詩見貽復用韻謝之

昔人何事愛吾廬燕雀鸞鳳不並居鄉社鳴琴
欣日永官遊退鷓鴣恨風初迷樓賦罷夢何處雙
扇詩成淚不疎莫問今朝多白髮年時曾奏萬
言書

一年幾相築新沙鞞鼓難開上苑花願我何堪
鳴玉佩如君不得侍金華隱身思傍懸壺樹仙
取須求象頂茶辜負麒麟功業志只教人喚作
詩家

寓高郵禪居寺

高
山
集
卷
八
冰霜歲暮時澤國更何為
菰米經寒溢蘆門避
亂宜小人誇羯虜志士憶京師
欲語殘僧笑君
歸未可期

送二十二弟入浙

世亂還家未有期
汝於何處望京師
常即舊恨
今新恨細學南音寄我詩

災恠

幾歲廟堂生物恠
一朝胡虜幸天裁
頗聞北斗
光芒見近久不見斗已出矣
未見東京消息來
志士此時

憂國淚將軍他日望鄉臺
金賊執吾大將及降偏裨
世間如
有嚴夫子時命應須更可哀

春書

春色今朝見
羈人有好懷
暄風催酒熟
細雨送花門
魂夢迷梁苑
文章愧楚才
重湖煙艇去
月下採珠迴

送鍾離秀才往越州

字中遠

客遊會稽去
惜哉無鏡湖
雲迷神禹廟
鴉護季真居
五字君詩費
千炷我恨除
寄來休草草
涕

高
山
集
卷
八
泪憶皇都

依韻和鍾離秀才留別之作

不脫征裘已到春
縱風橫雨又經旬
期君獨步入京國
與我相逢在水濱
憤世何言詩濺淚
愁心自醉酒生塵
胡然乘興稽山去
為問流觴曲水人

一舍

一舍終朝得自容
強如平昔慰塗窮
爐心搜火分香燼
硯首融水護筆鋒
愁極偶逢醅醑酒
夢

回猶待景陽鍾
廟堂未肯驅胡騎
四海九州思會同

寄中遠越州旅舍兼簡宋倅

自言無悶於茲久
何事今朝嘆息頻
同病願逢閑話客
異鄉難得借書人
獨尋剡縣溪山去
厭見揚州花木新
茶寄卧龍何日到
貳車東宋世相親

白鴈陂

白鴈陂前淮海思
今朝淮海鴈相隨
固知憐我

飄零甚忘却青嵩碧嶺時

孤鴈

風驅雲卷一身微
慕侶高高急急飛
未許高人能遠適
梁王池館故同歸

即事

拋盡圖書避虜塵
楞伽讀罷與誰親
波濤遠與羈遊夢
風雨幽齋默坐身
觥底不堪留酒客
句頭何敢惱詩人
和詩送酒俱休問
只恐一作共惜歸期誤此春

文集卷第九

秋風

風驅雲卷一自從來似此秋風

秋風

秋風

拋書閣上遊虜空榜仙詩

期頭

期頭

期頭

文集卷第九

高山景遠生晁說之字以道一字伯以

律詩

自賦親字韻

久息人間車馬塵香殘紅暝自相親嘗看海散
千波月亦觀蓮開百葉身清世豈期逃虜騎白
頭不是挿花人明朝若便西歸去嶽寺花遲留
得春因嶽寺二字
良多感歎

伏蒙二十二叔俯和親字韻詩不勝欽歎

輒復用韻上呈

樂難得似新篇樂親莫親如同祖親熟見典刑
平世事恭聞詩禮少年身五言自發曾劉興七
澤誰知魯衛人李白酒樓今在否不堪回首小
園春

子強賦詩還張簿與予唱和詩卷復用韻

謝之

同時先後避風塵異縣相看意更親不武可知
難陷陣片文安得易容身胡兒去喜添新恨莫

子來驚問故人何處有詩能自勝賴君揖客賞
陽春

高郵忽見叔易高山下所寄絕句次韻和
之舊所作不次韻也

我憶故人頭更白故人夢我眼猶青皇湖疊浪
君知否政似當年翻水終

痛心

為問誰今有好懷園林春色不須來王孫草向
荒城短駟使梅因戰陣回但道胡塵迷上苑不

間漢詔出中臺痛心一日復一日何日皇威遍
九垓

感時

千里通山蒲柳身淚痕長短送殘春望惟書問
平安到樂在兒童讀誦聲桑海恩深變未得龍
蛇躁甚起何因即看廊廟申威令為問勤王有
幾人

秋懷

草木衰殘意關河離別情秋風已如此况復更

論兵

秋書

秋為東多暑天因未霜吁嗟爾此虜室亦畏
皇綱

有客喜予為江東之役者輒效齊梁體

翡翠鈎寒陪曉月珊瑚枕淨捐高丘人間聚散
何須問夢斷西陵更送秋

避地

久欲為僧避世喧况當寰海正飛翻五臺自有

天台院處。流通玄妙門。

雨中即事

寥。茲夏晚秋韻已蕭。狀風雨疎籬外。詩書曲
几前。道心勤自屬愁緒。每相牽秦樹連烽火。吳
鞵落海壖。不能先到縣。豈待晚歸田。丹劑誰能
太上金爐試得煙去。天眞一百奏牘。舊三千藁
草紛盈架。誰令宿痛研。

感事

長鯨江海尚翻波。欲濟無航可柰何。物象蕭條

秋序薄。人生感慨腐。儒多翠興不見。胡塵起旅
鴈能隨。漢月過七日之誅。今幾日猶煩樂職在
中和

依韻和袁秀才見贈之作仲揚

志士相逢屬暮年。淚如有盡恨無邊。空城鬼火
隨胡騎。蒲驛蓴絲倚楚天。愁外誰知餐玉術。醉
來自詠釣竿篇。夫君心事有如此。何日騎鯨出
九淵

再和

不知今歲是何年
鐵馬胡兒遶日邊
雖有廟堂能格帝
更求巖穴與談天
廢興誰識詩千首
消長難^{一作}言^{一作}易二篇
臥雪諸孫心事苦
重湖頗愧汨羅淵
旅懷
春來歸計尚茫然
往事知非莫^{一作}問天
九牧勤王誰誤國
千門受箭悔開邊
立朝不得當言路
在野無從自行田
誰念龍鍾湖海畔
苦遭風雨日孱連

因客談湖中大珠作

既無武備擒戎虜
又乏文章騁國才
曠社湖中有明月
可憐不向人君懷

高郵書事

飄然去國到他鄉
晷難移夜漏長
自恨旅懷多偏仄
誰教春夢遠顛狂
舒虹蕩月明珠過
積雪迷雲小稻香
雙絕茲焉甘作客
只慙不得去勤王

三月五日南京稍工來報船經金人殘毀

之後尚有書籍存者且以二詩為信忽覩
高仲夷唱和詩不勝感嘆輒用其韻識其
事率同賦

桃花源上避秦人豈料漁舟見此一作客身胡虜

殺人培玉帛簡編破積委泥塵誰施骨肉死生

惠只有皇天后土仁可保斯文猶未墜廟堂宜

亦用儒臣

和高二偶作長句在館中時

流落歸來少故人婆娑白髮強容身雷霆能斷

王敦首宇宙猶多庾亮塵以國與盟非一作詐所
志在邊不戰豈其仁兼資文武唯高子誰識中
原有虎臣

次韻飲酒

舒慘來遊地悲歡付與君淡慙偏愛酒有客總
能文春去欣搜粟秋來謾護軍何如東里老慙
腹醉醺東里徵君楊朴詩云慙即當地醉醺

淮海二絕

卜錢簇怯單怯小婦揚州橋上看拜鬼求神

春更恨不堪風雨作花寒
莫問揚州挑葉生渡江今日得風晴長沙子弟
更相笑上到隋堤便住營

飲酒

與君厭苦洛陽塵望斷今朝那得親為閃紅旗
白馬客何如左庶右螯人醉來無意誅讒鬼醒
後傾身事麴神辜負景鍾勲業志杜康廟裏作

忠臣

見東
臯子

有喜

世事獨知誰謂朕衣冠直待見戈鋌是非在彼
從三朋忠孝于身必兩全問鱗絲衣還仆地感
時諫疏欲干天羶胡搗獬須臾爾仁澤昭陵
億萬年

尚憂

建康庾令豈多愁未識皇恩覆九州初訝單于
陵大漢重驚獬狁犯宗周今朝不見安邊策前
日空多定遠侯謂宣撫江海張公漂泊久即看
說議動前旒

謝乾明滋老送炒團

蓼花散畔輕盈意炒米團邊笑語親多謝稻畦
磨衲老十方撮聚戲間人

寄焦山成老高郵滋老

他鄉卧病白頭翁孤憤猶存涕淚中竹葉有陰
唯待月蓮花自殞不須風明朝白帝行商令何

日黃麾入漢宮一死等閒無足惜道人第一莫

談空

私願

胡塵未動朔雲浮行在多歡見小侯願保三冬
資我樂更無一事使人愁

新志

前日徒嗟与世違從今絕世心事微彌陀印裏
一身重梵網經中萬古非元亮胡狀茲漫浪遺
民有侶便因依欣予不負遂初賦寄愧于顏得
所歸

病中思建茶不可得因作呈胡季和

新政勤勞儉素中建溪千焙一毫供人知廉恥

高山集 卷九
苞苴減運屬危原 壑空慣以搶旗論勝負果
勞甲冑歷危凶不登王會篇中物便好從今永
絕蹤

謝季和朝議牡丹

侍無童子懶焚香君送花來恨便忘盡日清芬
與風競熏爐謾使令君狂

靜

蕭然一空靜樂只復何如子晉吹笙罷孫登長
嘯餘兒童奔入學賓客遠回車更願干戈息殘

年老弊廬

因觀劉侍讀姚秘丞孫處士平山堂詩寄

歐陽公唱和作絕句

醉公認得揚州路堂上平山列酒罇後日公榮
來酩酊賦詩可但屬姚孫

予以四韻記陸大夫三高因自謂能省句

矣後作絕句增畫筆之妙

馬解馱經度碧空便令王許伴支公山童野僕
立如石忘却濃曾在會中 兼為支公說道經

感歎二首

陰阻空千里都城整六師憂心常忽忽春日獨
遲未見忠良出休言昏禍一作亂為白頭難作

客日問歸期

龜筮總茫然風塵慘大荒丹心能許國旂力愧
勤王若使官兵衛猶能干戚揚叩闕陳膽策折
翅亦難將

感事

玉仙鴻福最先春今日枝頭歷虜塵千里無非

逃難客二年誰是看花人偶來水國克飢易況
有儒冠請益頻天地雖窮吾道在圖書焚盡更
重新

又

青春住算過伴我恨無窮家在胡塵裏客來兵
刃中小人真樂禍大吏競興戎暫適義魚市長
慙斬將功

斬將

斬將斬誰將今多樊愛能庶幾威國俗聊可驚

邊僧南唐邊錫為師無紀律縛虎何堪責騎猪
尚不勝將軍如自治盪寇有先登

感歎

消息沈、當下國風塵漠、里中都平生鉛槧
胡塵裏不免從今讀誤書

偶見新花呈季和

寂寥仍抱病風雨尚征師幾許野花發無窮客
淚垂

胡季和送江梅山茶來

山茶有色笑江梅無色江梅謝不才莫言無色
無才思幾許才從色上來天際素娥能綽約人
間紅袖恨徘徊誰將玉質配顏醉絳雪未絲解
不開

晚日臨水得此句呈季和先為公家池上

明日之遊也

客子思歸悔遠遊曾波新綠恋汀洲庾郎得暇
為春賦定是春來未肯愁

高郵人物絕句二首

高郵崔監富詩書筆力雄豪興世疎不是魏公
公道在定垂白髮老菰蒲

崔監伯易

高郵少年有王令豪氣雄才海內無當日談兵
今可用只愁遺像足攏儒王令逢原

次韻二十二弟謝胡以純餉米

十日飢腸吳越客空將苦淚澀寒烟喫虛兄弟

嗟同病任死國書愧滿船飲露求肥真漫與耕

雲卒歲更堪憐胡家清德今猶爾顧我窮途一

狀

因雞鳴不響厲而作

賜新之雞不辭鳴要須煩汝報升平故知二虜
非劉石只是中原無祖生

別一上人

同遊不二境却有別離情為日添香火中原正

用兵

夜間鐘惜其不響

宋都為客喜還驚無數霜天歸雁橫夜半鐘聲
何太啞由來石竇五無聲

冬至前一日至穀熟遇趙子和大夫
盜賊羗胡逐隊行幾家避難到荒城也知明日
當長至便望今年可太平京國笙歌無寂寞將
軍旗鼓耐縱橫鈍庵居士全非鈍先我駟車百
感生

冬至日塗中

海角沙場過冬至未如今日最傷情孝王池畔
憂胡騎賜帝河邊款楚兵萬壽獻觴身不與百
城和議淚空橫明年高會知何處擊磬焚香畢

此生

後十一月十一日夜宿柳子鎮

早歲無知到柳橋黃流澎湃客雄豪自從道路
無形勢今日睢陽益謾勞

有感

帝室中興運更賒如間廟議尚堪嗟和親費盡
三公力兵革傷殘百姓家解使亞夫營細柳却
教賈誼傳長沙願予豈是奔亡者獨抱寒枝愧
暝鷓

鄭興遠成

遠戍深入震中原為問何人守薊門功業論天
初已繆和親割地竟難存將軍不戰喜三北逐
客何堪厭七奔尚有微誠思獻策千行血淚叩
天間

予三十年前為宿州教授今塗次見諸生

滄海枯來失夜光泰山走去誤朝陽可憐憔悴
蒼顏客曾是呻吟黃卷郎

味非感事

王師真不戰天險易摧殘盡室半徒步朝飢夜
更寒胡塵無向服漢月照長安凶悍仍無禮嗔
予不守官

避地

避地半徒步身存亦幸哉有詩慙寡和無酒愧
空杯重鎮未須與親王去未回吾生本多樂今
日但餘哀

途次憶故居

自喜白髭翁淡居看歲窮雪迷石嶺上月在州
堂中樵客曉來市田家夜半春豈期胡騎到無
地得相容

旅舍朝雞

獨抱微誠人不知山公啓事定何施鳴雞本候
海潮信不為金門上馬時古稱潮雞今日朝雞

間鐘五更起行

野寺鐘聲報曉寒征人方夢到長安茫茫塗路
知難易兩避胡塵一歲殘

痛恨

丞相開邊靡有它中原要復識干戈百年身事
今如此萬里胡塵可奈何隴上健兒嗟不見洛
陽女子恨偏多朝上會陵頭否腸斷東巡白

書事

通止今五月百感若為情馬借從軍沒再疑破

浪輕卷書無路達故里有誰耕戴笠蓑衣雨猶

憐李少卿

有李少卿者遭亂兵劫盡行裝遇
兩買笠徒步予一馬借人從軍

新衣追感

穎水箕山已卜休，忽逢新政悞恩收。
白頭不識為郎歎，尚書未嘗為黃帽。
難供作客愁，何事京師書信斷。
謾從澤國稻梁謀，和親莫恃河為界。
百騎東來破一州。

冒雨西行

敗堤留沮洳，苦雨劇泥塗。
婢子求世僑，童兒競地壚。
能甘逐客分，但恥潰兵俱。
何必滔天水，茲為縱壑魚。

文書問雪

此雪問誰偏，最喜羯胡得意逞。
天驕黃河穩渡，魚龍靜白馬增光。
劍甲豪我有玉鈴，今震臺爾看瑤壁。
莫呼號，何好持勅，近臣莫賜斷金樽。
費獨謠。

皇極痛恨

胡兒直犯洛陽宮，藹藹園陵指點中。
殄滅四夷心不遂，裕陵蕭瑟獨悲風。
夜來枕上得四絕句，因視王性之謝其相。

訪也未專為渠作

不待功成逐赤松腐儒畢竟若為功田園破碎

胡塵裏腸斷當年夜雨春

皇祚中興徹九垓不煩猶道宋王臺歸鴻特比

常年少應恋黃麾不忍來

三川皆震大災異汴水絕流上帝仁不使六龍

遠巡幸興王舊地福重新

井曰無供緝羽貧未知何地老容身更無一卷

文書在七錄家藏許卜鄰

拭目

拭目中興空落日福心觸事獨遲劉琨祖逖

無由見鄴下關中何所之萬里耕桑仁德在九

天雨露廟堂滋龍鍾只合歸田去猶解重吟采

芑詩

自寬

無奈愁何強自寬細將心事樂江干新詩時向

夢中得明月多從枕上看吾道若存生有益君

恩可報死何難五陵祥瑞烟何在何日端門朝

百官

贈儀真天寧訥老

若說真州水時人不道甘天寧老誰識板齒毛
鬚

贈筆處士屠希

屠希祖是屠牛坦今日却屠秋兔毫自識有心
三副健可憐無副一心勞

贈筆處士曹忠

箚管子何愛輕圓稱白毫固知今獨妙舊數浙

西曹

三四十年前時抗秀水
有曹用筆見稱于世

知宗節使臨渡江至金陵送蠟梅來

江北江南疊鼓催清香清淚各徘徊知君清德
用無盡掉欲移時留蠟梅

和許嵩老江上舟災

火德孝嚴嗟掠虛祝融江面怒心餘千尋赤尾
干堯曆百仞紅鱗滅禹書丙穴烘天誰得及丁

翁奔日更難如文昌右轄知幾早無安之災不

我居日遊長公近辭政府而出至真州是歸

平生易象論孤虛富貴功名不願餘政府頻垂
 憂國淚梵宮獨看竺乾書衆驚赤壁復焚爾自
 擅三禪早晏如回首焚軀并溺骨何為不早傷
 禪居三禪无火災

再和

不可喧。秦子虛何心江上惜三餘陸渾火但
 無家計宣榭空費圖書每恨血鱗能雨若何
 堪脫角去焚如知公輔弼關心處不比他人衆
 退居

頃歲官嘗傷紫虛高雲維月笑設餘惟知猿鶴
 乞骸疏不錄熊羆諫獵書遊寺但知能自與焚
 舟不復問何如巖廊德量誰能比大令山陰難
 並居

夜雨不少住枕上作

幾年飄泊敢何求甘作滄公對楚囚風轉榮光
 新輦道雨無時節舊揚州陸公奏議同誰恨屈
 子離騷亦獨愁歲暮長江瘡病客飄。荆渚覓
 同游

莫道仇池

莫道飄零天一涯安時自勝孰與嗟已春庭宇
不畱雷達閨園林無早花素履款遊禪老室白
頭慣見富人家胡狀齊趙賊蜂起自是司戎好
盜誇

畫寢看壁上陳希夷仇池

昔人辛苦處難追慵懶多閒自有奇睡著不知
春晝永壁間圖像傲希夷

新年

何事重新作此年身無疾病意欣然春風莫但
開飛李吹落妖星靜九天

感事

長江無月今氛禳日胚胎北闕望不見東風呼
弗來后皇本畲治上帝有遺才為問縉紳士何
容賦七哀

書事

先生不飲而常醉一倒四海支狂流不煩高士
傾佳釀要使魚龍同我愁

狂寇舳舻星斗落列炬燒江猶未覺太平斥候
固不嚴搏殂之謀在河朔
一江如鼎魚龍沸我欲逃生何所之今古興亡
有同恨乾陵火照奉天時

絮被蒙頭曉日高厭聞處殺官曹古人言盡
致禦術今日興言盜是招

易致寇至利禦寇

正月二十八日避難至海陵從先流寓兄
弟之招仍邂逅馮元禮故人

百困身猶在冠蓋怯鏡看干戈朝食拙風雨夜
眠難天際旄頭遠淮南春首寒病夫藥裹外兄
弟為謀安

脫身兵火歎何之不料茲焉過所期軒檻如僧
縈橘柚鄉閩似夢識憶一作蒿蔡弟兄朋友談平
昔一作盜賊羗胡問幾時共約更明王道正我
能一語到天墀

二月二日

柳花多情不肯新可憐失盡漢家春二年不識

挑生菜萬國誰知有殺身群盜猶多南渡客征
鴻難問北歸人始知前日一樽酒上帝升平與
甬親

杜詩

古人愁在吾愁裏庾信江淹可共論孰似少陵
能歎息一身牢落識乾坤庾論江生至此天道

率如此工部則云牢落
乾坤大周流道術空

春光

春光能負我為客更添愁梅葉一作何晚鶯

聲便欲休新庖驕異味舊侶夢同遊道術知何
用江山空白頭

謝蘊文承議陽關圖

邂逅故人逃難處王孫氣象獨升平詩吟摩詰
如無味畫到陽關別有情

不眠

孤客危 不得眠清燈古像共安禪鬼神未用
來聽法我自觀心絕世緣

寒甚

二月春風着意來，氈裘北客尚低回。只應是日無何遜，江上梅花未肯開。

歲暮窮途惱白頭，况加一歲更荒州。家禽聚處無居屋，野水分時便斷流。何物不堪供佛淚，誰人可與共咨謀。一生本藉詩書樂，今日詩書翻百憂。

自樂

避地悠悠處，居何妨涕淚。作歡娛，碾茶勢軟。

春心靜，搗藥香多病。意除夢寐未嘗忘，仗衛兒童猶不恋。江湖心期，歸計高箕近，只恐風塵尚畏途。

自樂

自愁還自樂，于道得吾真。花以瓶為國，人將飽作春。詩書惟務舊，老大豈知新。明日還如此，太平先此身。

感事

我有清時累，白頭病在牀。必須誅國賊，先要射

天狼割據江山舊艱難日月長百花寒未發朱
帝恨慈

人心焉可見戎馬幾時休
哲真能恨來賢更用愁
只應當日淚常共大江流
漢縣寥々甚今為輔帝州

夢斷

夢斷咨嗟故國寒江湖風物共彫殘
麻姑嫁時浪未息織女支機石豈安
不許忠臣施一語徒令志士起三歎
不患盜賊不撲滅要使盜賊耕

素雞

疾病

疾病非吾有吾身與世輕
看某得靜意說藥肯傷生
不道江湖遠惟多鷗鷺情
况聞登俊傑即日是升平

感事二首

本是懸車却掃人猥貪雨露政惟新
干戈雞作墻東客疾病猶存硯北身
敢覓圖書灰燼裏誰分盜賊甲兵屯
紛々四海人知否猶屬炎年第

一春 烟甲與心餘 四載入空言 歸風與年策
流寓無家浪漫行 全家處 話升平 溪山色外
京闈色 風雨聲中 讀誦聲 周粟本 雞供口 腹漢
庭未易 議公卿 海涯更此 天涯遠 泛天波 一
葉輕

攬古

攬古茫茫 涕淚頻 誰教末路尚 沉淪 青山會有
為塵日 紫陌曾無不死人 王莽歷期餘 數在董
賢恩 幸戎番 新只應不武 空憔悴 自有長歌 薇

巖春

題六一東坡像

座右銘何有 丹青得若人 東坡禪客 衲六一 醉
人中 先後文章 伯安危社稷 巨廟堂 思賴日海
嶠 夢釣辰 歎會神何當 均雨

露劍佩 畫麒麟 眉山凝 間氣 渤海識 茲人 一代
執鞭士 千炷折 角巾 高超周 室輔 平處漢 廷臣
白首齊 明易 鴻鈞異 撫辰參 差非所 歎契闊 自
如神 不念乞 靈者 翩然駕 白麟 歐陽云自古異
人間出前後參

差不相待予老矣乃今
見之豈不為幸哉

白首有恨

有恨將何遣軒車盡俊髦官非十女婿政鄙小
兒曹歲暮客棕急塗窮馬力勞故山真可恋築
室更增高

無悶

無悶吾無欲浮沉誰使然命通公道日唐崔塗詩云但

逢公道日即自是艷陽年為美當避艷陽年鸞

鳳能寥廓躬鱗幸棄捐由來食肉士久亦忘腥

羶

因事

風雨連宵疾病增幽憂到此果何勝弟兄分散
而三處圖史尋求萬一能曾酒齊歌元不惡吳
酸楚酪乍須稱東皇太一仁恩大終使白頭見
中興

海陵社日

信美非真美徒勞本自勞異鄉今日社寂寞食
無糕

謝蘊文齋菜餽

無奈國風怨齋茶論苦甘王孫舊肥荇湯餅亦
多慚

撫古

撫古論今百感生興亡異世實同情鬼神能告
廣陵散才智無如大厦傾天御日蹙歸故國江
潮淮浦謾新城論都及百世事誰為君王致
太平

書恨

掛帆到何處明月古揚州百計隨愁盡一生為
客休干戈臨暮境風雨困春柔為問荀文若能
慙諸葛不

夜聞烏啼

不眠無恨自悽悽真聽人間烏夜啼明月未教
塵鏡華堂歌舞乍高低

義烏此夜一何啼明驩欣事不迷定是軍回薊
南北寧論賊退閑東西

置身

置身唯所安世累莫相干
蓬鬢江湖遠披衣天地寬
尚須煩束帶忍復更危冠
居安歎匪易淚垂行路難

夜風雨聲甚惡

上元燈火胡塵裡寒食田園野草生
文武墜來唯不寐精神耗後更多情
片雲忽作幾日雨衆恨添甌半夜聲
從此無煩問春色市無過客謾

萊城

海陵寒食

忽逢群盜到江津
驚若奔魚跳此身煙焰幾為新
節鬼風塵敢憶故鄉人
幾家有物蒸嘗在到處無時哭泣頻
日日淒風兼苦雨要知寒食客愁真

式微

暮雲朝翼與心飛
白首何堪客子衣
潮去潮來無遠邇
江南江北有從違
廟堂御名用上太平策
猷畝先知禍亂機
一唱式微腸九斷微乎微乎我同歸

平亦高二承宣與蘓二左司唱和春雨詩遠蒙
樂見寄依韻和之
太乙池中艦洞庭湖上蓬問誰今得樂宇宙釣
絲中公子與王孫何煩更問耕春心為花雨梅
杏尚難平

海陵閑居

春色海邊雖到晚幽居亦且得徘徊風輕花影
閑又去人靜棊聲揭又來莫話艱難催白髮從
教顛倒長青笞明朝此興如能在夢到梁王舊

吹臺

人靜亦
作隱靜

秦州人自徐神翁後多以奉道為事即今
有周高唐三先生皆足以動衆得名因作
長句

沉又方丈與蓬萊桃李聞從海上開愁外煙波
徒縹緲夢中鄉俗獨徘徊不同下俚暫時醉自
約高真定命盃可笑神仙今古異今言先分古
先材

三月二日大風

數日寒暄不得常一朝風伯擅乾綱浪飄石去
魚龍鬪屋落瓦來雞犬藏誰敢揚舠窺北渚便
當弭節奉東皇穆如聲振中興業萬國弦歌走
未央

大風絕句二首

何事東風日又狂後庭花要闋新粧中興物業
在清淨王謝清談未易忘

揚州桃葉能留客任是東風江上狂南北人情
亦相似六軍不肯過咸陽

白髮飄零遠可嗟百年居屋在京華海涯更比
天涯遠星斗沉又入海涯

奈我

奈我所安何無煩問所過潮聲雲外散花色醉
中多京國昨宵夢邊城幾日歌功名悞男子必
使愧雲蘿

題公震小景

萬古興亡歸白鷺一時舒慘在青山與君都下

太平日豈料思君鞞鼓間

四顧

四顧荒又孰我容百為深省亦何從江山風雨
愁皆滿天地波濤恨未窮寧使衰容添白髮難
將世態入青蒿飄然已作東游計康樂鬪經待
厥終

懷舊

伊昔升平事中州見最先洛花凝曉月鞞樹靄
寒煙相業歸韶寵胡塵溺漢天幾多重白叟涕

淚日潸然

贈京師少年在海陵者

夷門子弟逞豪華不忿西京穀雨花走馬城東
玉仙醉着身海角敢容嗟

海陵書事

今古悠又嘉上同徒令客子恨無窮竹掾泥壓
清虛節箒蕩香殊忠厚風騰倚百年麋鹿外波
瀾一日鳳凰中此本漢縣多麋鹿有可憐仙馭
池亦稱漢遺跡
頻來往從此相傳第幾扇此自徐二翁後好談
仙即有三四先生甚異

揚州枉矢何時弭
涿野蚩尤尚未俘
底處愁城能着我
風為愁騎雨愁車

高二承宣以長句餉新茶輒次韻為謝

春風伴我到僧家
歎息無名供佛花
劉子枕糟

非枕酒陸生論水
不論茶少多何必求
玄鵠霄

萬至揚州騎鶴一二唯當較白沙
自昔有揚一汴二之語今恐可身像真辨也

更恨老年難得睡
因君茗粥恨無涯

信美江山非我家
兵亡忍問後庭花
明時不見

來求女揚州多美女自唐時取
儉德唯聞罷貢茶唐供奉自昭陵罷之

鷓首千重能破浪
馬蹄萬里正便沙
煩君識取

人才盡白首飄零
謾海涯

為客

為客淮南望上京
祥煙不遠恨崢嶸
居人避濕

開門晚宿鳥眠寒
擇木鶻波浪無時潮
失信閑

河有盜夢非情不知歸
計何從得碧賴青出
高畫

未成

感舊

田園幾畝豆苗新
卒歲閑居百慮真
不日頻逢中酒客
何時曾禁折花人
誰誇玉帛奔侯服
自喜樵薪一作蒿入帝閨
回首龍蛇紛起陸
却垂涕淚問胡塵

謝徐師川寄江茶四小瓶

舉世罕取鬪小車
若人何處逞豪華
夢魂恨着後庭樹
詩句清餘雙井茶
點點嘲雄舒錦繡
申申罵屈雜龍蛇
不煩更籍箜篌力
望出河東性不奢

依韻和高二承宣歙墨長句

妙句之來墨妙同
信知吾道未全窮
豈容短棹千年恨
不貯長江五月風
春戀孔鸞嗟歎外
磨研膠漆笑歌中
為予畱取滄浪道
使挈兒童學釣翁

池頭

長夏悠悠百計非
可憐北客製南衣
池頭風晚萍根合
何處揚花不得歸

視蘊文

飄零海角悟平生豈料王孫肯遠行
日待君游化國淒風要我到愁城
詩書灰燼寧無夢翰墨馨香尚有情
聞道東京已返蹕箕雲緱月得秋耕

觀連翁執花曲作

萬國歸隨盡細侯阿麼只解愛揚州
錦帆明日知何處不得龍門洛水遊

次韻師川郎中寄墨長句

人、垂首相公前獨子低眉古蔘編
江上新吟

何慷慨世間舊恨細窮研
故知小子能封國亦信長人解說天
寄墨虞卿著書喜不教茶到恐妨眠

夜坐

氛濁暑伏歎夜久神宇清
魚躍遠池響螢飛深竹明
揚州妙歌舞駐蹕盛公卿
植杖看牛斗今年當太平

日暮池上

客子難為夏池塘眼暫開
蓮房隨月倚萍陣信

風來自喜親茶杓無煩問酒杯故人行在樂
獻納有雲臺

下當秋歎

為起秋風有所懷江頭秋色信多哉孔明何歲
荊州去樂毅即時燕國來今古悠悠共涕淚江
山寂々盡塵埃麒麟閣上功名土聞道其中有
不才

閑居

閑居豈無事一動百艱難水為齋僧惜花因供

佛殘喜聞多死士厭話小長安香火同緣客飢
腸先永歎

何意

何意此閑居逋已且謾如日高鷄在樹風靜鴈
拋蘆雨露傳新令兒童說故都秋光金甲上醜
虜犯王誅

立秋前六言

今日自須欣喜明朝池上秋風聽雨如聽古樂
得書似得良朋

感時二首

衣冠迷魯衛
食飲歎荆揚
夜雨思鄉近
秋風客夢長
莫言遊帝所
要且狩河陽
丞相如求士
當求張子房

黃埃迷馬市
白帝問魚梁
松竹秋聲早
江湖客夢長
易衣欺賊眼
辟穀信仙方
尚有叩闥志
其如病在床

古之馬市今馬行街也

三歲

羈離已三歲
幾處幸容身
有夢延秋雨
無言問

虜塵傷今多
難日憶我太平人
雨露隨行在
公卿幾番新

予筆多菅管近又得竹筆匣因作絕句

竹陰菅管可
幽居前日曾
藏萬卷書烽火
不知南北渡
祝茲微物莫
愁予

歆為金陵之行而未果

舊有山川舊
夕陽新秋新
淚兩茫茫金陵
王氣知何在
玉樹後逢聞
已芳情到義山
能發問山詩云鍾山何處有龍盤
事經小杜亦多傷小杜有商女後遊花之句未

須便作揚舲計即見元戎淨八荒
又作此秋飄泊客茫茫誰是北歸人
送前雨過鷺群浴池上風來螢火新
戰馬不肥淮甸草屬車思輟洛陽塵
如聞胡虜渡河去縱月箕雲待老身

海陵聞角

秋風入角感山城更覺淮南秋思清
慣聽邊威雷鼓裏梅花爭發斗崢嶸

自寬

無奈愁何強自寬細將心事樂江干
新詩時向夢中得明月多泛枕上看
吾道若存生有益君恩可報死無難
五陵瑞霧祥煙在何日端門朝百官

簡沙頭李山伯

坎壈交養日需沙君向沙頭好泊家
鷗鷺若來尋舊隱為言直上有煙霞

行藏

行藏本自迷秋興更凄々風急蛩饒響雨來鷄
誤啼魚溪青靄散蓮蕩白雲齊却惜安閑地逋
亡志願朕海陵有連蕩

聞富季申遷拔書郎

小富秋來慰所望青衫叙進拔書郎相公勲業
久彌著孫子門闌漸有光莫話詩過已埋沒且
非挽脫得分張白蓮逋客獨惆悵淚盡西風歸
政堂卷裏詩過一千首白頭來
作拔書郎為王建云
次韻和中遠以予真州江上遭巨寇脫身

感事作

一世高梧丹葉翻男昏女嫁失前村但聞狼虎
厭人肉不見酒漿招鬼魂久分彼天誰叩問未
甘此道謾追原江心火雜魚龍血我脫身來君
莫論

寄題鎮江寶墨堂

常潤特令賜吳楚從此錢氏政相宜江山閱世
無今古金石何年有合離小諫縱歌文史外侍
郎決策甲兵期只尋舊墨題新榜念爾邦人肯

援之

新愁

宿恨故難遣新愁豈易安困空隄踈擲避靜鳥
暗寒月盛中秋色人虧上國歡灣頭十二衛泣
涕乞回銮今日殿班禁旅相繼至自東京乞

眠睡

病夫不睡情須怨老子難眠思却清况復斗橫
催角引梅花爛熳散烁聲

自適

避難三年百感生衆雖溷濁自澄清閑窺鳥雀
往來勢靜聽兒童讀誦聲但道孤生元廢棄莫
言頻數論平生大河今歲如為用即看千官赴
上京

故資政殿學士特贈光祿大夫曾公挽辭

二首

選吏時無最論兵世有書風神相門舊膽氣將
壇初地軸塵埃轉天航津漢虛忠規子孫在太
史筆何如

馬援枕前歎張飛帳下怨古人有餘淚今日不堪言
犬豕方逃格璵璠忽自焚共嗟當宁恨寧復問乾坤

久客

客子能久慣將何號有生墨池能入用筆名紙
被喜無聲新月生緱嶺淒風過渭城忽如無所
歎却似太忘情

幽齋

幽齋無客自焚香古像誰知靜放光秋色深來

人寐冥鴈聲漸處月荒涼病軀如似小損可賊
勢流傳大獺張可笑韓公憂有分人言憂責屬
巖廊

愁闌

淮南初客初嘗起久客淮南愁亦闌秋夜無聞
喜風雨柴門自掩醉江山詩書不讀談常到香
火如勞意更閑北望歸期殊未可却思南渡滄
浪間

鄭州古有夕陽樓自唐末兵火後遂廢况

今圃田殘破客中望揚州作絕句
日月爭流淚亦流幾年不見夕陽樓
太平時節古來少却上迷樓一望休
將出江絕句
脩門縹緲夢悠悠歲暮長江斗柄浮
奮翼鳴鷄急自和白頭鼓枻為誰愁

司戶朱君邂逅真州獨為予幹舳艫之具
甚勤偶得絕句謝之

白眼波濤爭反覆波心孤棹更誰看
夫君念此

客蓬鬢不共青松共歲寒

再遇筆屠處士

江頭再遇筆屠生共聽去年江水聲
三副少多予自竄一毫去取子能輕

藥裹

藥裹白頭翁攷離亂中道從前日証愁與昔
年空食足思同飽時危恥自容願將經濟策上
疏大明宮

月下渡金陵江

玉樹開花媚綺窓
龍蟠如植冕旒降
只今江月交光
夜情似月明
愁似江

飄流

飄流北客江之左
自問行歲語亦難
江上即今無盜賊
浪中何日不風寒
曹潘鞞鼓於茲見
王謝風流何處看
歸客不知朱雀好
但誇明月洛南灣

歲暮六言

臘尾豈堪比去年頭
又怯東奔萍梗往來覆載

燕雀俯仰乾坤

金陵二首

金陵形勢眼中見
一弔興亡夢寐間
候景長駘走龍虎
王敦內叛壓江東
中原有主申明命
下國何人敢肆姦
白首自傷歸未得
此身何處得清閒

上帝於人靡有常
江流何處任興亡
干戈揖遜一錫杖
社稷山川半面粧
故自無人比叔子
尚憐有意保襄陽
白頭難待太平策
禹國明朝建

治康

江南

一家天下莫分三天極明星萬象含此水北江
歸海處誰將此地號江南

歲暮聞武泰節使將歸金陵

歲暮江頭鳧鴈身悠々心事竟誰親久能收拾
內朝僕始作生疎外道人歎問江吳借風色恐
於河伯廢精神王孫旌節歸來好莫使王孫恨
更新

武泰節使歸金陵

戟影搖寒波影稀三孫心事與人違燈邊赤軸
得居士窗下清談見布衣執玉詔從天上去揮
金船向歲前歸冠羸不解少行樂卧待公來起
採薇

歲暮

客舍光陰白髮作高援北斗夢徘徊多愁須用
枕雙疊無問何須酒一杯風去六朝迷遠樹雲
來一日忍新梅即令盜賊須擒截收守不逃言

壯哉日公浩歎嗚呼今蓋烟風餘燼此言不虛言

此賢聖無間何所而一神風去六賊也遠極雲

字全法言白髮新霜賦其十卷壯回之聲歌其

卷九

壯哉日公浩歎嗚呼今蓋烟風餘燼此言不虛言

此賢聖無間何所而一神風去六賊也遠極雲

字全法言白髮新霜賦其十卷壯回之聲歌其

卷九

壯哉日公浩歎嗚呼今蓋烟風餘燼此言不虛言

文集卷第九



